

文淵閣

影印

四庫全書

影印

文淵閣四庫全書

第五一五冊

北京出版集團公司
北京出版社

圖書在版編目(CIP)數據

影印文淵閣四庫全書 / (清)紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字(2012)第059042號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清)紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本册目次

江西通志(三)

清謝旻等監修……………一

欽定四庫全書

史部
江西通志卷五十七

詳校官監察御史左周

檢討_臣德生覆勘

總校官知縣_臣楊懋珩

校對官典簿_臣劉景岳

謄錄監生_臣龔輝遠

欽定四庫全書

江西通志卷五十七

名宦

牧民攸寄惟倚循良德教在人歷久不忘秩分崇卑
各盡職常時閱遠近俱仰澤光或懷允泰或詠甘棠
載登典祀俎豆馨香

聖心慎重案據周詳以數名實以勵官方有績斯紀有
美斯揚稽古考今永永流芳作名宦志

欽定四庫全書

江西通志
卷五十七

統轄一

漢

灌嬰睢陽販繒者也高帝為沛公嬰以中涓從擊項籍
垓下至東城破之盡得其軍渡江破吳郡長吳下得
吳守遂定吳豫章會稽郡封潁陰侯

漢書

按古今記云豫章城漢潁陰侯灌嬰所築南昌演
法院是其故宅志曰灌嬰定豫章今祀為城隍

白志

跋原

何武字君公蜀郡郫縣人舉賢良方正徵對策拜諫議大夫遷揚州刺史所舉奏二千石長吏必先露章服罪者為除免之而已不服極法奏之抵罪或至死九江太守戴聖禮經號小戴者也治多不法前刺史以其大儒優容之武使從事廉得其罪聖懼自免以是郡國各重其守行部必先即學宮見諸生試其誦論問以得失然後入傳舍率以為常五歲入為丞相其所居亦無赫赫名去後常見思同上

欽定四庫全書

江西通志
卷五十七

晉

華軼字彥夏平原人永嘉中歷振威將軍江州刺史雖逢散亂每崇典禮置儒林祭酒以弘道訓咸惠並行得江表歡心士赴之如歸時四方瓦解軼有匡天下之志每貢獻入洛不失臣節謂使者曰若洛都道斷可輸之瑯琊王以明吾之為司馬氏也晉書

按晉書地理志惠帝元康元年有司奏請荆揚二州疆土廣遠統理尤難於是割揚州之豫章鄱陽

廬陵臨川南康建安晉安荊州之武昌桂陽安成合十郡因江水之名置江州是晉之江州刺史固統轄十郡假節擁兵鎮守九江非專理一郡者今各志位置俱錯亂就晉代而論如林志以華軼周訪郝鑒溫嶠陶侃庾亮庾翼桓沖王允之褚裒桓伊何無忌十二人屬統轄而以應詹王羲之二人屬九江是同一刺史而分屬異矣又以所收統轄之陶侃溫嶠庾亮庾翼褚裒何無忌六人重入九江而華軼周訪郝鑒桓沖桓伊王允之不與焉是同一統轄而彼此異矣若安志於統轄只載溫嶠陶侃桓伊王允之何無忌五人而於九江則載華軼應詹庾亮庾翼褚裒王羲之謝尚桓沖庾悅九人又複載溫嶠王允之桓伊何無忌四人總之以統轄論宜並入統轄以江州論宜並入江州今斷以地理志如晉宋間以刺史屬統轄凡刺史以下則屬之郡至唐書地理志江南西道管州八江州

欽定四庫全書

江西通志
卷五十七

三

管鄱陽彭澤都昌三縣此與今理無異凡洪虔饒

吉等州皆有刺史俱屬於郡不入統轄至周訪陶

侃本西江人士事蹟已詳人物茲不複載

原跋

應詹字思遠汝南南頓人璩之孫也明帝時遷使持節

都督江州諸軍事平南將軍江州刺史時王敦新平

人情未安詹撫而懷之莫不得其歡心百姓賴之

同上

溫嶠字太真太原祁人咸和初為江州刺史持節都督

豫章等十郡軍事甚有惠政蘇峻反嶠率師赴難灑

欽定四庫全書

江西通志
卷五十七

四

泣登舟與陶侃合兵擊峻斬之拜驃騎將軍開府儀

同三司朝議將留輔政嶠固辭還藩至牛渚磯以拔

齒中風而卒年四十二江州士庶聞之莫不相顧而

泣諡忠武侯豫章城南

同上

郗鑒字道徽高平金鄉人太寧元年都督江西諸州軍

事明帝初立畏王敦偏已拜鑒安西將軍假節鎮合

肥敦忌之表為尚書令徵還鑒遂與帝定謀誅敦後

以討峻功拜司空封南昌縣公

同上

庾亮字元規由給事中徙中書令蘇峻反亮奔溫嶠於

江州嶠素重亮欲推為都統亮固辭既而峻平求外

鎮自效遷都督六州軍事領江荆豫三州刺史

同上

庾冰字季堅兄亮以名德流訓冰以雅素垂風諸弟相

率莫不好禮亮常稱為庾氏之寶康帝即位進車騎

將軍求外出會弟翼當伐石季龍於是以本號除都

督四郡軍事領江州刺史假節鎮武昌尋卒贈侍中

司空諡曰忠成

同上

欽定四庫全書

江西通志
卷五十七

五

庾翼字稚恭司空亮弟除振威將軍鄱陽太守撫和百

姓甚得歡心及亮卒授都督江荆等六州軍事時人

易其年少翼每竭智能勞謙匪懈戎政嚴明數年之

間公私充實人情翕然稱其才幹

同上

王彬字世儒先是彬從兄豫章太守稜為王敦所害敦

以彬親故容忍之俄而以彬為豫章太守彬為人樸

素方直乏風味之好雖居顯位常布衣蔬食遷前將

軍江州刺史

同上

王允之字深猷琅琊人咸康中以西中郎將遷江州刺

史益政甚有恩惠

同上

王羲之字逸少司徒曠仲子也起家祕書郎征西將軍

庾亮請為叅軍臨薨上疏稱羲之清貴有鑒裁遷寧

遠將軍江州刺史

同上

桓沖字幼子溫諸弟中最淹識有武幹溫甚器之從溫

征伐有功遷鎮威將軍江州刺史在江州凡十三年

而溫薨詔沖為中軍將軍都督揚江豫三州軍事初

欽定四庫全書

江西通志
卷五十七

六

溫在鎮大辟之罪皆自己決沖既莅事上疏以為生

殺之重古今所慎凡諸死罪先須上報沖既代溫盡

忠王室或勸沖誅除時望專執權衡沖不從卒年五

十七謚曰宣穆沖性儉素而謙虛喪下江陵士女老

幼皆臨江瞻送號哭盡哀

同上

桓伊字叔夏譙國鉅人以破苻堅功封永修縣侯桓沖

卒遷都督江荆豫等十四郡軍事江州刺史假節到

鎮以邊境無虞宜以寬恤為務乃上疏以江州虛耗

加連歲不登今餘戶有五萬六千宜并合小縣除諸

郡逋米移州遷鎮豫章詔令仍治潯陽其餘皆聽之

伊隨宜撫綏百姓賴焉卒謚曰烈

同上

褚裒字季野康帝為瑯琊王時納裒女為妃即位徵拜

侍中遷尚書省求出外除建威將軍江州刺史在官

清約雖居方伯恒使私童采樵

同上

何無忌東海郟人也忠亮任氣仕晉為都督江荆八郡

軍事加散騎侍郎進鎮南將軍時盧循遣其黨徐道

欽定四庫全書

江西通志
卷五十七

七

覆順流而下舟艦皆重樓無忌將率眾拒之長史鄧

潛之力諫言其舟艦太盛勢居上流宜決破南塘固

守二城俟其疲老然後擊之無忌不從賊令強弩數

百登西岸小山以邀射之而薄於山側俄而西風暴

急無忌所乘小艦被飄東岸賊乘風以大艦逼之眾

奔敗無忌尚大聲曰取我蘇武節來節至躬執督戰

賊眾雲集辭色不撓遂握節死之謚曰忠肅

同上

劉敬宣字之長子也拜輔國將軍晉陵太守與諸葛長

民破桓歆於芍陂遷建威將軍江州刺史鎮潯陽

同上

宋

王弘字休元瑯琊臨沂人晉丞相導曾孫宋國初建為

尚書僕射掌選領彭城太守後遷江州刺史省賦簡

役百姓安之

南史

檀道濟高平金鄉人文帝即位遷征南大將軍開府儀

同三司江州刺史十三年上疾篤會魏軍南伐召道

濟入朝未發有似鷓鴣集船悲鳴既而義康矯詔收

欽定四庫全書

江西通志
卷五十七

八

付廷尉及其子並誅時人歌曰可憐白浮鳩枉殺檀

江州

同上

王元謨字彥德太原祁人南郡王義宣與江州刺史臧

質反朝廷假謨輔國將軍為前鋒南討大破之明帝

即位除車騎大將軍江州刺史

同上

按王弘檀道濟王元謨安志入九江白志改定

齊

陳顯達南彭城人也永明八年出為征南大將軍江州

刺史謙厚有智計自以人微位重每遷官常有愧懼

之色戒其子勿以富貴凌人

南齊書

梁

王茂字休遠太原祁人梁高祖東下茂為軍鋒時江州

刺史陳伯之舉兵叛以茂都督江州諸軍事江州刺

史南討伯之伯之敗走奔魏時新離兵寇民思反業

茂務農省役百姓安之茂性寬厚居處方正在一室

衣冠儼然雖僕妾莫見其情容視事三載薨於州

梁書

欽定四庫全書

江西通志
卷五十七

九

鄭紹叔字仲明滎陽開封人高祖為雍州刺史紹叔間

道西歸補寧蠻長史義師起為冠軍將軍改驍騎將

軍侍從東下江州留監州事都督江湘二州糧運事

無缺乏高祖甚親信之

同上

按王茂鄭紹叔安志皆謫入齊

蕭秀字彥達太祖第七子也天監六年出為都督江州

諸軍事平南將軍江州刺史將發主者求堅船以為

齋舫秀曰吾豈愛財而不愛士乃以牢者給參佐下

者載齋物及至州聞前刺史取徵士陶潛曾孫為里
司秀歎曰陶潛之德豈可不及後世即日辟為西曹
時盛夏水泛津梁斷絕外司請依舊僦渡收其價直
秀曰刺史不德水潦為患可利之乎給船而已同上

按王茂鄭紹叔蕭秀安志俱入九江白志改定

王僧辯字君才太原祁人右衛將軍神念之子天監中
隨父來奔侯景西寇僧辯頻戰挫賊世祖以為征東
將軍開府儀同三司江州刺史於是命僧辯沿流討

欽定四庫全書

江西通志
卷五十七

十

景至湓口與陳霸先會於白茆洲升壇歃血同心共
事戰於石頭城北大敗之既平景封永寧郡公加太
尉揚州刺史同上

唐

李大亮京兆涇陽人有文武才略武德中使徇廣州至
九江聞輔公祐反以計禽其將張善安大亮性忠謹
外若不能言而內剛烈不可干以非位通顯居陋狹
甚初破公祐以功賜奴婢百口謂曰而曹皆衣冠子

女不幸破亡吾何忍錄而為隸乎縱遣之高祖聞而

咨美更賜俚婢二十人唐書

黃長公武德八年為江南安撫使時西道屬寇憑陵人
戶流竄土地荒毀長公奔車入境招懷流散襁負而
歸未及暮年民庶安集林志

李行休高宗時鎮洪州下車踰月逃亡歸附引接賢士
虛心不倦值歲旱精誠祈禱膏雨下降同上

狄仁傑字懷英并州太原人高宗時拜冬官侍郎持節
欽定四庫全書

江西通志
卷五十七

十一

江南安撫使吳楚多淫祠仁傑一切禁止惟留夏禹
吳泰伯季札伍員四祠而已天授二年以地官侍郎
同鳳閣鸞臺平章事為來俊臣所誣貶彭澤令邑人
為置生祠同上

按九江府志仁傑乞免民租疏略曰彭澤水鄉百
姓齊營水田臣方到縣百姓告歉皆云春夏以來
並無霖雨營佃失時竊見彭澤地狹山峻常年縱
得全熟納官之外半載無糧今總不收將何活路

官吏不敢自裁謹以奏聞武后嘉仁傑憂民持降

制江州蠲免本縣租稅又縱囚令如期而還百姓

德之本傳失載

原跋

馬懷素字惟白潤州丹徒人武后時以十道使黜陟江

西處決平恕

林志

張九齡字子壽曲江人開元十五年出為冀州刺史以

母不肯去鄉里表換洪州都督歷仕以尚書右丞相

罷政事卒諡文獻

唐書

欽定四庫全書

江西通志
卷五十七

十三

張休上元間以衛尉卿為都督有遺愛於民及移廣州

民猶思之

林志

按明一統志張休洪州都督州人愛之如父母崔

祐甫為作遺愛頌

班景倩開元間初置江南西道來訪使治洪州景倩首

拜是命兼治黔中綽有風力期年間罷免賊吏百餘

人

同上

張鎬字從周博州人代宗初為撫州刺史遷洪州觀察

使臨海賊袁晁寇東境江界震騷鎬遣兵屯上饒斬

首三千級又襲舒城賊帥楊昭梟之新安大豪連結

剽掠州縣不能禽鎬命別將盡殄其衆改江南西道

觀察使

唐書

按文苑英華獨孤及洪州刺史張公遺愛頌云寶

應元年冬十月公受命至自臨川彰善用明瘴惡

用威一法度用信布愷弟用德是歲也三吳饑人

相食厲鬼出行而我倉如陵我民孔阜犬牙之境

欽定四庫全書

江西通志
卷五十七

十三

疵癘不作慎選乃僚必國之良有若博陵崔賁昌

黎韓洄趙郡李惟岳北海王士華河間邢宙河東

裴孝智隴西李道以嘉言碩畫叅公軍事澄清之

內無濁流審克之下無冤民在郡十有一載享壽

六十有一歲薨於位本傳未詳

原跋

李勉字元卿鄭王曾孫歷官太常少卿以不屈於李輔

國出為汾州刺史徙江西觀察使厲兵睦鄰平賊屯

部民有父病為蠱道求厭者以木偶署勉名埋之掘

治驗服勉曰以是為父則孝也縱不誅入為京兆尹

歷廣州刺史拜平章事

同上

魏少游邢州鉅鹿人大歷二年為江西觀察使進刑部尚書少游雖無赫赫名然善任人緣飾規檢有足稱者

同上

按林志少游決獄如神明示升黜蠲除疾苦定賦

稅之差勤簿書之役事有條理人皆便安

路嗣恭字懿範三原人永泰三年出為江西觀察使以

欽定四庫全書

江西通志
卷五十七

十四

善治財賦稱有賈明觀者素事魚朝恩朝恩誅當坐死丞相元載納其賄遣効力江西魏少游為觀察以載故常曲容之及嗣恭代即日杖死尋兼嶺南節度使

同上

韓洄字幼深洪州刺史張鎬以故相鎮江西奏授洄本

州長史以績最官至江西都團練判官軍州庶政多

所諮決後鎬終於位洄領留務每長史交代人心輒

搖洄能輯寧所部以待守臣

林志

盧羣字載初范陽人以監察御史為江西行營糧料使

嗣曹王皋節度江西奏為判官以勁正聞入為侍御

史唐書

李泌字長源京兆人代宗立為翰林學士元載惡其不

附已因江西觀察使魏少游請僚佐載稱泌才以試

祕書少監充江西觀察判官載誅召還

同上

鮑防字子慎襄州襄陽人為御史大夫歷福建江西觀

察使召拜左散騎常侍終工部尚書

同上

欽定四庫全書

江西通志
卷五十七

五

按林志防在江西崇儒勤學士業有成賓貢者給資以遣之民悅其化

王緯字文卿太原人大歷中與李泌俱為路嗣恭江西

觀察判官泌見惡於元載嗣恭希意欲殺之緯護解

僅免泌執政奏進緯給事中累遷諸道鹽鐵使所至

以清白名

同上

韋元甫為洪州都督防禦觀察使兼御史中丞時淮泗

靡寧夷夏震動元甫克振遠略靖難勤王楚氛掃除

江界底定

林志

張鑑字季權吳人江西觀察使到郡之日賑孤獨均賦稅存問羸老厚其粟帛然後興學政激厲浮俗人謂其識治體

同上

李皋字子蘭天寶十一載嗣曹王李希烈反遷江西節度使受命日不宿家至豫章大令將吏曰有功未申與懷器謀不法者皆得自言裨將伊慎李伯潛劉旻悉補大將治戰艦哀兵二萬委慎等教之初慎嘗從

欽定四庫全書

江西通志卷五十七

十六

希烈至是希烈懼為皋用反間德宗信之將誅慎皋請赦之使自效會與賊夾江陣皋勉慎立功以所乘馬及鎧賜之使將先鋒斬賊數百級乃免以功進工部尚書皋性勤儉能知人疾苦叅聽微隱盡得吏下短長賞罰必信教為戰艦挾二輪蹈之鼓水疾進駛於陣馬

唐書本傳

李兼貞元元年自鄂岳移鎮江西屬淮西亂後編戶蕩析兼至撫之三年歸者增籍五千人洪州山水暴漲

浸城郭壞廬舍兼率將吏負土囊以遏之卒免水厄

林志

李巽字令叔趙州贊皇人貞元五年徙江西觀察使銳於為治持下以法察無遺私吏不敢少給順宗立擢兵部侍郎

唐書本傳

裴胄字盾叔聞喜人德宗朝由國子司業遷江西觀察使初李兼嘗罷南昌卒千餘人收資廩為月進胄至白罷之樊澤徙襄州宰相議所代德宗雅記胄遂拜

欽定四庫全書

江西通志卷五十七

十七

荆南節度使

唐書

韋丹字文明京兆萬年人少孤從外祖顏真卿學擢明經復舉五經高第元和二年徙江南西道觀察使治洪州始民不知為瓦屋草茨竹椽久燥則夏而焚丹召工教為陶聚材於場度其費為估不取贏利人能為屋者受材瓦於官免半賦徐取其償逃未復者官與為之貧不能者畀以財身往勸督置南北市為營以舍車歲中旱募人就工厚與直給其食為衢南北

夾兩營東西七里以廢倉為新廐馬息不死築隄扞江長十二里凡為陂塘五百九十八所灌田一萬二千頃有吏主倉十年亡糧三千斛丹籍其家盡得文記乃權吏所奪召諸吏曰若恃權取於倉罪也與若期一月還之皆頓首謝及期無敢違者有卒違令當死釋不誅去上書告丹不法詔丹解官會丹卒年五十八驗卒所告皆不實丹治狀愈明太和中裴誼觀察江西上言為丹立祠堂宣宗讀元和實錄見丹政

欽定四庫全書

江西通志
卷五十七

十八

事卓然他日與宰相語元和時治民孰第一周墀對臣嘗守江西韋丹有大功德被八州歿四十年老幼思之不忘乃詔錄丹功狀刻於碑

同上

王仲舒字弘中并州祁人貞元中以賢良方正高第拜左拾遺除婺州刺史徙蘄州穆宗立召為中書舍人視同列率新進少年自言久棄外周知俗利病得治之不自愧宰相聞之除江西觀察使初江西權酒太重私釀抵死者不絕穀數斛易斗酒仲舒罷酤錢九

十萬水旱民賦不入為出錢二十萬代之有為佛老法興浮屠祠屋者皆驅出境卒於官年六十二贈左散騎常侍諡曰成

同上

按韓愈王仲舒神道碑銘云仲舒觀察三年法大成錢餘於庫粟餘於廩人享於田廬謳謠於道途天子復思且徵以代虛吏部左丞位以待之長慶三年十一月十七日薨於洪州

殷侗陳州人幼有志於學不治資產長通經術貞元末

欽定四庫全書

江西通志
卷五十七

十九

擢太常博士元和間進諫議大夫寶曆元年為江西觀察使以潔廉稱

同上

周墀字德升汝南人以工部侍郎出為華州刺史徙江西觀察使發虔州守陳弁賊剪捕劇賊劉大朴出兵戍彭蠡湖禁止剽劫進拜義成節度使

同上

韋宙丹之子以蔭為河南府司錄叅軍宣宗問周墀曰丹有子否墀以宙對拜侍御史出為永州刺史還為大理少卿久之拜江西觀察使為政簡易南方以為

世官 同上

沈傳師字子言吳人以尚書左丞出為江西觀察使慎重刑法明於吏治吏不敢罔嘗擇邸吏尹倫遲魯不及事官屬屢白易之傳師曰始吾出長安誠倫曰可闕事不可多事倫如是足矣故莅政以廉靖聞 林志

南唐

林仁肇建陽人剛毅有膂力姿質偉岸文身為虎因謂之林虎兒初為閩將閩亡歸南唐乾德三年以仁肇

欽定四庫全書

江西通志
卷五十七

二十

為洪州節度使仁肇為出於偏伍雖在將帥之位常與士卒均食同服故得士心與皇甫繼勳朱全寶不協因搆仁肇求援皇朝欲自王江西後主遣人醜之

馬令南唐書

宋

張鑑字德明以父蔭補供奉官太平興國三年擢進士第為太子右贊善知婺州還拜監察御史王明李惟清薦其能用為江南西道轉運使本部有大姓為民

患者鑑以名聞太宗盡令部逆魁首及妻子赴闕以三班職名羈縻之江左震肅又建議割瑞州清江吉州新淦袁州新喻三縣置臨江軍時以為便召還特被慰獎景德初卒 宋史

張齊賢字師亮曹州人太平興國六年為江南西路轉運副使尋加正使齊賢至官詢知饒信虔州土產銅鐵鉛錫之所推求前代鑄法取饒州永平監所鑄以為定式歲鑄五十萬貫數奏詳確議者不能奪先是

欽定四庫全書

江西通志
卷五十七

三

諸州罪人多錮送闕下路死者十常五六因力言於朝囚應送京者請委官廉問不實則罪之自是江南送罪人者減過半江南小民居官地者有地房錢吉州緣江地雖淪沒猶納勾欄地錢編木而浮居者納水場錢皆前代弊政齊賢悉論免之初李氏據有江南民戶稅錢三千已上者戶出義軍一人自備器甲輸官庫既內附詔放歸農言者欲復選充軍伍齊賢上言江南義軍例皆良民橫遭黥配克復之後便放

歸農並皆樂業若逐戶搜索不無驚擾從之召還進
諫議大夫歷官至左僕射卒年七十二贈司徒謚文
定同上

任中正字慶之曹州濟陰人進士及第為池州推官大
名轉運使陳緯徙陝西舉中正自代太宗曰朕自知
之召為祕書丞江南西道轉運副使至部歲大稔民
出租賦平糴皆盈羨發運使王子與欲悉調餉京師
中正曰東南歲輸五百萬兩而江南所出過半今歲

欽定四庫全書

江西通志
卷五十七

三

有餘或歲少歉則數不登患及吾民矣乃止擢監察

御史同上

許驥字允升蘇州人雍熙二年以比部員外郎改江南
轉運副使洪吉上供運船水損物主吏懼罪故覆舟
鞠獄者按以欺盜當流死者數百人驥馳往訊得其
情實以聞多得輕典優詔褒之又上言劫盜配流遇
赦得原還本鄉讎言告捕者多所殺害自今請以隸軍
詔可遷正使同上

范正辭字直道齊州人太平興國中為殿中丞出知饒
州時州多滯訟正辭至宿繫皆決遣之胥吏坐淹獄
停職者六十三人遷膳部員外郎充江南西道轉運
副使饒州民甘紹者為羣盜所掠州捕繫十四人獄
具當死正辭潛召監軍王愿掩捕之愿未至盜遁去
正辭單騎出郭二十里追及之賊控弦持刃來逼正
辭大呼以鞭擊之中賊雙目執之賊自刃尚有餘息
正辭即載歸令醫傳藥創既愈按其姦狀伏法而十

欽定四庫全書

江西通志
卷五十七

三

四人皆得釋端拱二年代歸同上

張傳字巖卿亳州譙人進士及第真宗時提點江西刑
獄所至事事致察審覈簿書勾摘姦隱州縣憚之傳
曰吾正所以愛州縣也吏不敢慢則州縣不復犯法
矣人以為然同上

凌策字子奇宣州涇人雍熙二年舉進士洪州水知州
李元以疾求代上與宰相歷選朝士以策代之王旦
言策莅事和平可寄方面即授江西轉運使饒州產

金常禁商市鬻或有論告逮繫滿獄策請縱民販市
官責其等人甚便之五年召還同上

張士遜字順之陰城人淳化進士為監察御史中書擬

人充江西轉運使再擬輒見却帝獨用士遜再遷侍

御史同上

按史本傳士遜在江西時並無政事可見而史論

稱其練習民事風蹟可紀故錄之

周湛字文淵鄧州穰人進士甲科知虔州提點廣南東

欽定四庫全書

江西通志
卷五十七

十四

路刑獄尋為江南西路轉運使州縣簿領案牘淆混

無紀且多亡失湛為立號以日月比次之詔下其法

諸路又以徭賦不均百姓巧於避匿因條其詭名挾

佃之類十二事且許民自言凡括隱戶三十萬湛天

資強記吏胥滿前一見輒識其姓名還為戶部判官

同上

王濟字巨川深州人大中祥符三年任江南西路安撫

使時歲旱民饑躬督官吏為糜粥日親嘗而給之錄

饑民為州兵全活甚眾同上

孫杭字和叔仁宗時提點江南西路刑獄整大體略細

故聽用佐屬各盡其力事以不廢林志

薛向字師正神宗朝為江浙荆淮發運使綱舟歷歲久

篙工利於盜貨嘗假風水沉溺以滅跡向募客舟分

載以相督察官舟有定數多為主者冒占悉奪之舊

弊盡除宋史

張洞字仲通開封祥符人登進士為江西轉運使時江

欽定四庫全書

江西通志
卷五十七

十五

西存饑洞奏免民積歲賦又民輸紬絹不中度者舊

責以滿匹洞命計尺寸輸錢民便之林志

劉夔字道元建州崇安人登進士第補廣德軍判官累

遷江西兩浙淮南轉運使所至有廉名嘗過江東見

二囚繫累年矣問之曰前此殺吉州徐掾咸疑二人

夔為言於朝釋之後果得真盜宋史

李之純字端伯滄州無棣人登進士第任江西轉運副

使驗廣西提刑許彥先受吏金之劾起於出婢之口